

Bájkkeavijssa NuorttaSálto

E sidá bálggájt mierkkít

■ Vuodnabat sijdda ij sidá bálggájt mierkkít, valla sihti ávdedit sáme adnemdábijt mij gullu vádtsemij.

Dát ávdánbohtá sijda guláskuddamjavllamusán suohkanoassepládnaj rubbmelasj dájma ja luonndomuossádimij hárráj 2013-2016.

- Udnásj ádáággásasj sebrudagán vargga juohkkahattjan le GPS æjgon, ja dárbbbo dárkkelis mierkkimis bálggájs ja lájdojs guovlon ij le mijá vuojnos dárbulasj. Mij oajvvadip mierkkim tjadáduvvá sáme árbbedábij milta, gánná mierkkim vargga ij vuojnnu, valla huoman la tjielgas. Viertti diehtet mav galga áhtsát gá vájalda mierkkimij milta, tjálleba jádediddje Mareno Mikkelsen ja sadjásasj jádediddje Heidi Andersen. Oajvvaduvvá miehtseduobddága/ duoddara álgon diededuvvá bálggáj birra, duobddága ano, kulturárbbedábij ja bájkkenamáj birra, gáktu bálggá li mierkkidum ja vaj duodden kárta dagáduvvá miehtse- ja várreduobddágis gánná aj sáme bájkkenamá tjáleduvvi.

- Sáme bájkkenamá li sáme histávralesj kulturmuojto, ma vaddi ájnas diedov bájkálasj histávra birra, dálusj vájaldimij, árudagáj ja duobddága ano birra. Bájkkenamáj li árbbediedo ma bierriji várajdaváldeduvvat ja li dan diehti ájnnasa. Sáme bájkkenamá máhtti subtsastit jus guovllo le manádahte jali ij, ja vaddet ájnas diedov mij ihkap le gáhtum dárogielan. Hábmér ja Stájgo li agev læhkám oasse julevsáme Nuortta-Sálto, ja aj dánna gávnnumi diedon moadda sáme bájkkenamá ma bierriji tjoahkkiduvvat ja aneduvvat, tjállá sijdda guláskudda- mjavllamusán.

Sijdda ij ga sidá hiebadahattet edna adnuj guovlos ja vuoset pládnaj gánná oajvvaduvvá galggi

tsieggiduvvat gapahuka ja dállásaje. Lávdaoade ja gámá luonndomateriálaj li árbbedábálasj sáme árudagá ja sjaddi riek hiebalgisá idjadibmáj ja vuojnadibmáj.

- Ienni gá gapahukav tsieggit de Vuodnabat sijdda oajvvat lávdagáidjida ja segajda, sáme árbbedábálasj tsiekkadus luonndomateriálaj, ma li riek buorre suoje dálkkáj ja bieggáj.

Sáme kultuvrraduobddák

Sáme kultuvra tjanos luonnduj le agev læhkám nanos. Ulmutja li viessum



Tæksta: Kitty Skapalen
Járggálibme: Divte Media AS

Drádnik Sonja. Drádnik Sonja ja ietjá várrevádtse oavdos Vuodnabadán vierttiji iesj bálggáv várráj gávnnat ja oahppat sáme anov guovlos jus Vuodnabat sijda vuojno vieleduvvi suohkanplánan rubbmelasj dájma ja luonndomuossádimij hárráj. **Dronning Sonja** og andre fjellfare i storslåtne Hellmobotn må sjøl finne veien opp fjellet og lære seg samisk bruk av området dersom Hellmobotn grunneierlag sine syn blir tatt hensyn til i kommunedelplan for fysisk aktivitet og naturopplevelser. Foto/gávvá: Heidi Andersen

luondon ja luondos. Vieledibme luondos ja luonndofámojs ja guoddelis ávkástallam luohkojs le sáme árbbedábijda tjiegnalit tjanádum.

- Máhttet luondov friddja adnet ilá moadda rievddamij ja hieredusáj daji le ájnas oasse sáme iellemkvalitehtas. Stuorra oase luondos ja ájdámiehtses Divtasvuonan ja Nuortta-Sálton ma uddni aneduvvi vargga

duohtadahtik, li ja li læhkám sáme kulturduobddága. Árbbedábálasj sáme adno guovlos máhtta liehket gássjel vuojnnet luondon, gá álu várrogisát li luondov ja duobddágav ávkástallam. Állo le savvám ja gáhtum juo. Dan diehti sáme kulturmuojto li várnnahisá biejsstemij.

Luonndo le sijdda

Luohko miehtsen, váren ja nuoren li agev læhkám tjuohppamguovlo ja gásstá viedtjat ájnas lasádusáv viessomij ja sisbáhtusij.

- Dát le vilá ájnas midjij gudi gullup Vuodnabahtaj. Tjadnusa fuolkkáj le ájnas guovlluj gánná aktak e áro, mij dálla le mijá “asstoájggeduobddák”. Fuolke, fuolke árromsadje ja luotta fuolke bargos ja dájmas dahki tjadnasav. Sijda, sládjogiette, guohtomguovlo, nuorre, miehtse ja váre dábdduji dagu oassen sijdas ja da ma vaddi tjadnasav. Dát nanos tjanos le ájnas vuodo bisodittjat fámilja ja fuolke dálusj áromguovlojt ja dajt adnet tjuohppamij, rekreasjavnán ja asstoájggedoajmman. Dát vaddá midjij iellemkvalitehtav, tjálleba Mikkelsen ja Andersen, moadda tjuohte mañeldisboahhtij ávdás Oarjjevuonan.

DIEDO Vuodnabat Sijdda/ Hellmobotn Grunneierlag

- ávdásti ednamæjgáidit ja árbulahájt priváhta ednamij Vuodnabadán.
- uddni badjelasj 200 ulmutja gulluji Vuodnabahtaj fámiljan jali fuolken.
- sijdda le organiseridum dálusj sijdda-prinsihpaj milta, semelasjuoda baktu aktisasj mierredimorgádna ednamæjgáidj ja mañeldisboahhtijs Vuodnabadán.
- Sijda sebrulattjajn le æjgát- ja adnoriektá sissKálasj ásjn Oarjjevuonan.



Bálggámierkkima vuosstij. Vuodnabat sijda jádediddje, Mareno Mikkelsen, le moadda tjuohte mañeldisboahhtij ávdás Vuodnabadán oajvvadam bálggáj milta e galga galbajt tsieggit, valla farra hiebadahatteduvvá sáme adnuj duobddágis, duola dagu sáme bájkkenamáj adno ma subtsasti álov duobddágij birra. **Imot stiskilting.** Leder i Hellmobotn grunneierlag, Mareno Mikkelsen, har på vegne av flere hundre etterkommere i Hellmobotn bedt om at det ikke skiltes langs ferdsselsårene i området, men at det heller legges til rette for samisk bruk, som eksempelvis samske stedsnavn som sier mye om terrenget.